

Uiluinniarneq pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 18, 31. oktober 1996-imeersumi § 10, § 10 a, § 10 b, § 13, imm. 2, § 23, imm. 1, § 33, imm. 2 aamma § 34, imm. 3 malillugit, kingullermillu aalisarneq pillugu Inatsisartut inatsisaatigut nr. 28, 28. november 2016-imeersukkut allanngortinneqartukut aalajangersarneqarpoq:

Atuuffia

§ 1. Imartani Kalaallit Nunaata aalisarnikkut oqartussaaffigisaani inuussutissarsiutigalugu uiluinniarnermut (*Chlamys islandica*) nalunaarut atuuppoq.

Pisassiissutit, akuersissutit, angallatillu

§ 2. Aqutsiveqarfinni arfiniliusuni tamani tak. ilanngussaq 1, ukiut tamaasa pisassiissutissanik Naalakkersuisut aalajangersaasarput.

§ 3. Inuussutissarsiornermut uiluut pillugit akuersisummik qinnuteqaat Aalisarnermut Piniarnermullu Naalakkersuisoqarfimmut tunniunneqassaaq. Qinnuteqarnermut immersugassaaq www.sullissivik.gl aqqutigalugu pissarsiarineqarsinnaasoq qinnuteqartunit atorneqassaaq.

§ 4. Aalisarnermut Piniarnermullu Naalakkersuisoqarfik § 2-mi aalajangersarneqartuni aqutsiveqarfinni arfiniliusuni inuussutissarsiutigalugu uiluinniarnermut akuersisummik tunniussisinnaavoq. Akuersissut piffissami killilimmi atuutissaaq aamma akuerisaasumik amerlanerpaanik pisaqarsinnaanermik ilaqartinneqassaaq.

§ 5. Pisassiissutit aallaqqaammut aalisariutaatilinnut ukiut siuliini taamatut pisassinneqartarsimasunut agguanneqassapput.

Imm. 2. Agguaassereermermi pissassiissutit sinneqarsimappata, nr. 1 kingorna, pisassiissutit siullermik aalisariutaatilinnut piusunut allanut pisariaqartitsisinnaasunut agguanneqassapput. Pisassiissutini agguassinermermi, nr. 1 immikkoortup kingorna, pisassiissutit nalingi aallaavigineqassapput, aamma aallaqqaammut aalisariutaatillit aningaasarsiornikkut attassisinnaasut isiginiarneqassasut, kiisalu aalisariutaatileqatigiit piusut akornanni naleqartitanik naligiinnerusumik agguataarisoqassasoq.

Imm. 3. Aalisariutaatilinni nutaavinni uiluinniarnerup aningaasarsiornikkut attanneqarsinnaanera isumannaarneqarsinnaanngippat, taakkununga pisassiissutiniq tunniussisoqassanngilaq.

§ 6. Angallatit uiluinniarnermut inuussutissarsiornermut akuersissutaatillit, angallatip angissusia apeqqutaatinnagu aalisarsinnaapput imartami sinerissamut qanittumi aamma avataani aalisarfimmi imartami tunngaviusumillu aalisarnikkut oqartussaaffiup killingata 3 sòmilit avataani.

Sumiiffinnik matusineq

§ 7. Aalisarnermut Piniarnermullu Naalakkersuisoq uiluinniarnermik aqutsiveqarfimmik matusisinnaavoq uiluinnik misiligutiniq suliaqarnermi toqunartoqarnera danskit Fødevarestyrelsianit paasineqarpat, uillut il. il. pillugit Kalaallit Nunaannut nalunaarutip kingorna allanngortinneqartartup atuutilersinneqarnera pillugu kunngip peqqussutaa ulloq 13. februar 2008-meersoq taassumalu kingusinnerusukkut allannguutai naapertorlugit.

Imm. 2. Aalisarnermut Piniarnermullu Naalakkersuisoqarfik uiluinniarfimmik matoqqasumik tamakkiisumik ilaannakortumilluunniit ammaqqissinnaavoq, Fødevarestyrelse-p aqutsiveqarfik ammaqqippagu, uiluut il. il. nalunaarut kunngip peqqussutaa ulloq 13. februar 2008-meersoq kingornalu allannguutit atuutilernerat pillugu malittarisassat naapertorlugit.

Pineqaatissiissutit

§ 8. § 4-p unioqqutinneqarnera Kalaallit Nunaanni Pinerluttulerinermut inatsimmi maleruagassat naapertorlugit akiliisussanngortitsinermik arsaarinninnermillu kinguneqarsinnaavoq.

Imm. 2. Ingerlatseqatigiiffit il. il. (inatsisitigut akisussaaftimmik tigummiartut) Pinerluttulerinermi inatsimmi kapitali 5-imi malittarisassat malillugit pinerluuteqarsimasutut akisussaatinneqarsinnaapput.

Imm. 3. Akiliisitsissutit Nunatta Karsianut tutsinneqassapput.

Atortuulersitsineq

§ 9. Nalunaarut 10. februar 2023-mi atuutilissaaq.

Namminersorlutik Oqartussat, ulloq 2. februaari 2023

Karl Tobiassen
Aalisarnermut Piniarnermullu Naalakkersuisoq

/ Jørgen Isak Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut